



# САМУРДИН

## ссс

«Магъарамдхуъруън район» МР-дин  
общественно-политический газет.  
Общественно-политическая газета  
МР «Магъарамкентский район».

Газет 1951- йисалай акъятзава. № 47 (7815) киш, 19-ноябрь, 2016- йис. Къимет 6 манат.

## ВАЖИБЛУ ГУЪРУЪШ



АЛАТАЙ ГЪАФТЕДА, арбе юкъуз Дагъустан республикадин Къил Рамазан Абдулатипов «Магъарамдхуъруън район» МР-дин Къил Фарид Агъмедовахъ галаз гуъруъшмиш хъана.

Рамазан Гъажимурадовича къейд авурвал, дотацийрин аслувал агъузарунин рекъяй республикада агалкъунар авай 36 райондикай сад Магъарамдхуърун район я.

Вичин нубатда Фарид Загъидиновича хабар гайивал, дурумлу общественно – политический гьалар авай муниципалитетда район экономикадин рекъяй вилик тухуниз къетен фикир гузва. Къве йисан вахтунда акъалтарнавай проектриз 1 млрд.300 млн. манат инвестиционный такъатар харжнава. Бюджетдин

системадин гьар жуьре дережайриз атанвай налогрин ва налогрин тушир доходрин къадар пуд сеферда артух хъанва. 2013 – йисуз 42 млн.кватнава, алай йисуз 135 млн.кватун пландик ква. Физический ксарин, эменниндин, госпошлинайрин, чилерин акцизный налогрин къадар 2016 - йисан цуд вацран вахтунда 122,6 процент я.

Фарид Загъидиновича къейд авурвал, 31 – октябрдин делипрай 927 кас формальный тушир зегьметдал машгул я, абурукай 847 касдихъ галаз зегьметдин икьрар кутлуннава. Мажибар вахт – вахтунда гузва.

Вичин рахунра Фарид Загъидиновича, чилерин учаскар ва капитальный эцигунрин дараматар актуализация

авунин серенжемрин гьакьиндайни лагъана. Абурун къалурунар 65 процентдила 272 процентдив агакьнава. Аграрный сектордин месэлайрай, МР – дин Администрациядин къили хабар гайивал, хуърун майишатдин производства къилин пешекарвал багъманчивал я. Продукция гьасилунал 28 хуърун майишатдин организация, 862 КФХ ва 19850 хуси куьмеқдин майишатар машгул я. Билбилрин хуъре 2 гектар чилел теплицаяр кутунва. Къунши Азербайжан республикадихъ галаз икьрар кутлуна, къведай йисуз 145 гектарда интенсивный багълар кутун пландиз къачунва. Хуси куьмеқдин майишатар сад авунин квалах давам жезва.

РД – дин Къил Рамазан Абдулатипова, центральный регионра чкадин аграрный продукция маса гудай точкаяр тешкилунин, месела Москвадани, уьлкведин къенепатан базарра дагъустандин товарар маса гунин ва партнервилин алакъаяр хуьнин чарасузвал авайди къетлендаказ къейдна.

И жигъетдай яз, Фарид Загъидиновича, Ленинградский областдин Тосненский райондиз республикадин майваяр гун планда аваз, кутлуннавай икьрардин гьакьиндай информация авуна.

Эхирдай Фарид Загъидиновича, региондин руководителдиз, къилдин инвесторрин такъатрихъ эцигнавай дараматар къалуруна.

ПОЛИЦИЯДИН ЙИКЪАЗ ТАЛУКЪ ЯЗ

**КЪАЙДА ХУЪЗВАЙБУРУН СУВАР**

АЛАТАЙ ГЪАФТЕДА, Россиядин МВД –дин Магъарамдхуъре авай полициядин отделда къайда хуъзвай органрин работникрин югъ къейд

авуниз талукъарнавай шад мярекат кыле фена.

Ам къенепатан крарин Магъарамдхуъре авай отделдин начальник, полициядин пол-

ковник Мурадхан Къасумова, РД – да авай МВД – дин министр Абдурашид Магъамедован тIварунихъай тебрикдин гаф рахуналди ачухна.

3

**СУВАРИН ВИЛИК**

ГЪАР ЙИСУЗ, къайда хуъзвай органрин работникрин сувар, чпин везифаяр тамардайла телеф хъайибурун уьмуьрдин юлдашриз, хизанриз тебрик авунилай башламышун адетдиз элкъвенва. Нубатдин суварин гуьруьшда

полициядин отделдин руководстводи, «Магъарамдхуъруьн район» МР – дин кылин заместитель Зайнуддин Азимова ва СМИ – дин векилри иштиракна.

Тебрикдин гаф рахай общественный хатасузвал хуъ-

нин рекъай МР – дин кылин заместитель Зайнуддин Эмиржановича, чпин везифаяр тамардайла телеф хъайи юлдашрин къегъалвал, уьткъемвал садрани риклелай алат тийидайди ва абурун экуь къамат уьмуьрлукъ чи риклера амукъдайди лагъана.

Гуьгъуьнлай райондин полициядин отделдин начальник Мурадхан Къасумова сувар тебрикна ва везифаяр тамардайла телеф хъайибурун уьмуьрдин юлдашриз МР – дин ва МВД- дин руководствойрин тIварунихъай пул авай конвертар гана.

Вичин везифаяр тамардайла телеф хъайи милициядин майор Багъаудин Багъаудинован уьмуьрдин юлдаш Марина Багъаудиновади, кIвалахдин юлдашар риклелай алуд тийиз, абурун хизанрикай къайгъударвал чIугъазвай райондин ва полициядин отделрин руководствойриз чухсагъул малумарна.

Гуьруьш элкъвей столдихъ яргъалди давам хъана.

2 ←

Мурадхан Разахановича, райондин тешикл хъайидалай инихъ четин шартлара къачур сифте камарикай, вахтунихъ галаз кваллахда хъайи дегишвилерикай, къайда хуъзвай органрин ветеранрикай ва алай вахтунда квалах физвай гъалдикай гегъенш суъгъбетар авуна.

Мярекатдал рахай «Магъарамдхуъруън район» МР – дин Администрациядин къил Фарид Агъмедова секинсуз хиле кваллахзавай вирибуруз чпин пешекарвиллин сувар тебрикна ва «Магъарамдхуъруън район» МР – дин Администрациядин тварунихъай районда общественный хатасузвал, къайда хуъник чпин лайихлу пай кутазвай, гъакъисагъвилелди чпин везифаяр тамарзавай полициядин работникрив Гъурметдин грамотаяр вахкана.

Гуъгъунлай анал рахай райондин прокурор Марат Къазиагъмедова, УФСБ – дин начальник Арсен Аскерова шад мярекатдин иштиракчийриз сувар мубаракна ва абурун четин, жавабдар кеспида агалкъунар, чандин мягъкем сагъвал хъун чпин мурад тирди лагъана.

Эхирдай полициядин отделдин начальник Мурадхан Къасумова, отделдин руководстводин тварунихъай чпин къуллугъдин везифаяр жавабдарвилелди тамарзавай са жерге работникриз чухсагъул малумарна ва «Къуллугъда тафаватлувилерай» 1, 2, ва 3 – дережадин медалар гана.

ХУЪРУЪН МАЙИШАТ

## БАГЪЛАР ХЪУЪТУЪЗ ГЪАЗУРУН

ЦИНИН йис чи райондин шартлара емишрин бегъерлу йис хъана. Районда санлай емишрин хъсан бегъергъасилна.

Зулун эхиримжи вацра вири чкайра багъларай емишар кватна куътягъна. Вахтуналди секинвал алукънава. Амма багъманчийриз, багъларин иесийриз чизва, багълар цийи бегъердиз гъазурун гъа и вахтунилай башламиш жезвайди. Гайидал рази хъана акъвазун дуъз туш. Багъманчивилин менфятлувал артухарун патал багъларихъ гъамиша гелкъуън герек тирди чна садрани фикирдай акъудна кландач. И жигъетдай зул акъатна хъуътуъз мукъвал жезвай вахтара багълара агротехникадин са къадар кваллахар тамамариз жеда. Гъавадин шартлар хъсанзамай къван багъларани гъар жуъредин кваллахар тамарун цийи бегъер патал гзаф хийирлу я.

Адетдин, амма чеб чарасуз тир кваллахрилай башламишна кландач. Месела, багълар куъгъне амуқайрикай михъун. Пешекарри гъисабзавайвал, гъа ихътин са серенжем къабулун багълара емишрин бегъердиз зиян гудай гъашаратрин къадар тлимиларуниз куъмек гуда.

Тарарин пунариз пер ягъун, имани багълара чарасуз яз тамамарна кланзавай агротехникадин серенжемрик акатзава.

Амма виридалайни гзаф метлеб авайди багълариз зулухъай ва гатфарихъай бескъадар ятар гун лазим тирди гъисабзава. Гъеле чили давкъадалди багълариз ятар гун пешекарри меслят къалурзава.

Миянардай шейэрикай чун рахазвач. Алай девирда абур къачун чи багъманчийриз четин жезва. Амма чалай алакъзавай кваллахар ава, рахун гъабур тамамаруникай физва.

Гъайиф хъи, са бязи багъманчийри багълариз гузвай фикир зайифарнава. И карсеб яз багъларин бегъерлувал агъуз аватзава.

Чи район республикада багъманчивилин рекъай къулай мумкинвилер авайбурукай сад я. Чаз идан къадир чир хъана кландач. Емишрихъ гъи вахтунда хъайитлани къиметни ава. Чи районда багъманчивил вилик тухун патал тебиатдин шартлар къулайбуру я. Вири ихътин гъалар фикирда къурла чаз багъманчивилин месела зайифардай бинелу себебар авач.

**Р. МУРАДАЛИЕВ.**



**ВИРИ ЧІЕХИ ЧІАЛАРИЛАЙ ШИРИНДИ**

*Зи лезги чІал, захъ авай са багъади  
Чуьхуьзва за жуван руьгъ ви нура.  
(Абдул Фетягъ)*

Дегъзаманайрилай инихъ гьикъван гзаф чІалар чир хъайитІа, гъакъван инсан девлетлу яз гьисабзава. ЧІал чир тахъуни, инсандин лайихлувал тІимиларзава, ам ажузарзава. Хайи чІал чир хъун, адакай фасагъатдиз менфят къачуз хъун гъар са касдин руьгъдин девлетлувилдин, адан чирвилерин ва къанажагъдин дережа тайинардай уьлчме я. Гъар са хизанди цІийи несилдиз, чпин веледриз (хизанди цІийи) тербия гунир кар хайи чІал чирунилай башламишна кІанда.

И кардиз Магъарамдхуьруьн М.М. Гъажиеван тІварунихъ галай школадин лезги чІалан малимри еке фикир гузва. Абур аялриз хайи чІал чирунив еке жавабдарвилелди эгечІава.

Чи школада предметрин гъафтеяр тухун адет хъанвай кар я. Ихътин кІвалахди хайи чІал кІанарзава, ам дериндай чирдай мумкинвал гузва.

И йикъара школада хайи чІалаз талукъарнавай гъафте кьиле фена. И са куьруь вахтунда лезги чІалан малимри (Эфендиева С., Алибутаева А., Гъажиева Р., Селимова Б., Кадырова Н.) аялрихъ галаз жуьреба-жуьре чІалаз бахшнавай мярекатар, ачух тарсар тухвана. Ихътин кІвалахди аялрин фикир хайи чІалахъ авай къуватдал везинлувилел, адан ширинвилел желбзава, ам кІанарзава. Малимри чпин тарсара методикадин рекъайни, вири жуьреяр ишлемишзава. Абуру чпин тарсар лекциядин жуьреда, жуьреба-жуьре къугъунрин жуьреда тухузва ва алай аямдин интерактивный доскадилай чІехи менфят къачузва. Гъафтедин эхирда Алибутаева Анфиса Аливердиевнади «Магъарамдхуьруьн райондин -73 иис» темадай ачух тарс тухвана. И тарсуниз мугъман яз райондин кьилин сад лагъай заместитель Мурадалиев Гъ.Ж. атана. Ада аялриз райондилай, чи тІварван авай районгълийрикай суьгъбетар авуна ва «Дагъустан» шиир кІелна. Тарсуниз эхирдай чи ватангълийрикай слайдар къалурна ва «Вуч? Мус? Гьина?» къугъун кьиле тухвана.

Малимри тухузвай ихътин кІвалахри аялриз чи шаиррикай авай чирвилер артухарзава, чи Ватандин гъар пиплера кІвалахзавай рухвайрикай, рушарикай хабардар жезва, чІал кІанарзава.

Хайи чІала алатай девирдилай кьенин йикъал къведалди, чи ата-бубайрин ацукъункъарагъун, абур квел машгул тиртІа гуьзгъудай хъиз къалурзава. Вири и кІвалахрин къетІенвал чІал миьхиз хуьнин чарасуз шартІ ва замин я. Хайи чІал дериндай ва гегъеншдиз чир хъун гъар са лезгидин буржи я.

**Р. ГЪАНИЕВА,**

Магъарамдхуьруьн М.М. Гъажиеван тІварунихъ галай I-нумрадин кьилин категориядин малим.

**ДАГЪУСТАНДИН ЧІАЛАРИН ВА МЕДЕНИЯТДИН ЮГЪ ЧИ ШКОЛАДА**

*Къеплин кьилихъ лай-лай ягъиз,  
Зун дидеди чІалал гъайи,  
Дидедин чІал- кІанда рикІиз,  
Экуь рагъ хъиз чаз чим гайи.*

И мукъвара Хожакъазмайрин хуьруьн М.К. Казиеван тІварунихъ галай школада «Дагъустандин чІаларин ва медениятдин югъ» кьиле фена. И мярекат чи школадин лезги чІалан ва литературадин малим Рамазанова Марият Кухмазоваднин регъбервилек кваз кьиле тухвана.

18-октябрдиз М. Рамазановади, С. Шихрагъимовади шаир Ибрагъимова Гъулангерекахъ ва «Ходжа» кІватІалдихъ галаз гуьруьшмиш хъун кьиле тухвана.

Шаир Гъ. Ибрагъимовади аялриз вичи сифте камар шииратдиз гьикІ вегъенатІа суьгъбетна. Ахпа аялри уstadдаказ адан шиирар кІелна, ам аялрилай ва малимрилай гзаф рази яз амукъна.

21-октябрдиз Марият Кухмазовнади Тарсэлкъвей стол тешкилна. Тарсуниз эхирдай аялар нетижадал гъана. Малимди чаз чирзавайвал, анжах садвилелди, дуствилелди яшамеш жезвай халкъар бахтлу гележегдив агакъни ийизва.

И кар чна садрани рикІелай ракъурна виже къведач.

Сифтегъан классра кІелзавай аялрини и кардик чпин пайни кутуна. 2- классдин малим Н. Абасовади Хожакъазмайрин хуьруьн шаир Насруев Насру Маллаевичахъ галаз ачух тарс кьиле тухвана. Н.Насруева аялриз вичи хайи чІалаз бахшнавай са шумуд шиир кІелна, ахпа «Гъутар» мах кІелна. Аялриз кьене гъахътин виклеъ рикІ авай инсанриз тешпигъ хъуниз эвер гана.

I-классдин малим Э. Ибрагъимовади ктабрин выставка тешкилна. Ада гъвечи классра кІелзавай аялриз СтІал Сулейманан, Етим Эминан, Хуьруьг Тагъиран гъвечи-гъвечи шиирар кІелна.

*Вав барабар замІ авайд(у) туш,  
Чан зи хайи дидедин чІал.  
Маса чІалар заз кІанид туш,  
Рахада зун вал дамадал..*

Школада мукъвал-мукъвал хайи чІалариз медениятдиз талукъ мярекатар тухвайтІа, чи аялрин рикІера ватанпересвилдин гьиссери лепе гуда.

**М.АБАСОВА,**

Хожакъазмайрин хуьруьн М.К.Казиеван тІварунихъ галай школадин Дагъустандин «Лайихлу малим».

**ДИДЕ**

ДИДЕ. И гафунин мана гуьлерилай дерин я, дагъларилай къакъан я. Диде вич, бубайри лугъудайвал, кІани кІараб квай ва вичин рикІин кІаник саки кІуьд вацра къван хвейи гъар са веледдиз рикІел чка ийидай кас я. Гъар са касдин уьмуьрда дидеди къетІен ва важиблу чка къазвайди виридаз ашкара кар я.

Лагъана кІанда хъи, чна гъиле къазвай гъар са кар хъсан нетижаяр гудайди хъун паталди датІана дуьа ийидайди ва чи гъар са агалкъунрал дамахазавайдини диде я. Анжах дидедин рикІе пак муьгъуьббат авайдини чаз малум я. Чара касди, гъам яр- дуст, багъри кас хъайитІани вун кІеве гъатайла, ваз куьмек лазим хъайила далу элкъуьруьн мумкин я, анжах дидеди вун кІеве авайла, ваз вафалу яз ви крарик къуьн кутада. Дидедиз гъурмет авун, адан рикІ тІар тавун, гена акси яз, чна чи краралди, чи дидейрин рикІер шад авун гъар са касдин пак тир буржи я. Бубайрин са мисалда гъавайда лагъанвайди туш. «Веледрикай рикІ секин хъайи диде садрани къуьзуь жедач». Къуй, я Аллагъ, чи дидейрин уьмуьрдин гъар са югъ сувар хуьрай, веледрикай абурун рикІиз регъят хуй, къведайбур шад ва рикІик лувар кутадай хабарар хуьрай. Яшамешрай Дидеяр!

**РАГЪИМОВА.**

## КЪВЕ ЧЕМПИОН САНАЛ

ЭХИРИМЖИ вахтара райондин Буткъазмайрин хуьре авай ДЮСШ – дин тӀвар дуьньядин вири пипӀера машгур хъанва. И спортшколадай европадин, дуьньядин, олимпийский чемпионар акъатнава. Им сифте нубатда къуьн – къуьне гъакьисагъвилелди зегъмет чӀугвазвай, пешедив рикӀ гваз эгечӀзавай коллективдин ва и еке коллективдиз регъбервал гузвай, кӀвалахда вири къулайвилер хъун патал зегъмет чӀугвазвай спортшколадин директор Балакъардаш Салманован лайхлувал я.

ИкӀ 11 – 13 ноябрдалди Болгариядин София шегъерда женгинин самбодай кӀиле феи чемпионатда Россиядин кӀиблепатан спортсменри чпин алакьунар къалурна. Ругуд къизилдин медаль ва чемпионвилдин тӀварар къазанмишна. Им гъелбетда дамахдай кар хъана. Иллаки абурукай къве чемпион чи райондай хъайила шадвилехь сергъятар амукънач.

Женгинин самбодай 2012 – йисуз Европадин чемпион, 2013 – 2014 – йисара Россиядин чемпион, 2014 – йисуз дуьньядин суперкубокдин сагъиб, Харлампиеван тӀварунихь тухузвай международный турнирдин чемпион, къве профессиональный женгинин гъалибчи лезги кьегал хва Икрам Алискерова и сефердани бушвал авунач.

Пуд женг кӀиле тухвай Икрама финалда болгарви Никола Дипчикован винел гъалибвал къазанмишна. Къейд тавуна жедач къвед лагъай женгина чи кьегал хци са шумуд сеферда профессиональный жен-



герин гъалибчи Владимир Стукалов 1 - раунда бугъмишардай къайдада къуналди вахт тамам жедалди женг акъалтӀарна. 90 килограмм заланвилдин категориядай экъечӀай чи кьегалди женгинин самбодай дуьньядин чемпион тӀвар ва къизилдин медаль къазанмишна.

Икрам Алискерова Буткъазмайрин спортшколада тренер яз зегъмет чӀугваз са шумуд йис я. Школадин коллективди ихтин малимрал ва малимрин зегъмет квадар тийизвай аялрал дамахзава. Чна Икрам Алискероваз хъанвай агалкъун рикӀин сидкъидай мубаракзава ва идалай къулухъни мадни къакъан дережайрив агакъдайдак умуд кутазва.

## МЯГЪКЕМ БИНЕ ХЪАЙИЛА



ЧНА хабар гайивал, Болгариядин София шегъерда женгини самбодай кӀиле феи чемпионат чи районгъалияр патал халис савкъват хъана. Райондин Буткъазмайрин спортшколадин

тербиячи, сифте камар тренер Омар Шагъмарданован гъилик къачунвай Велимурад Алхасов вичин заланвилдин категориядай (57 кг) къизилдин медальдиз ва дуьньядин чемпион тӀварциӀиз лайхлу хъана.

2013 ва 2014- йисара Россиядин чемпионатра Велимурад призер хъанай. Амма 2016 – йисуз кӀиле феи чемпионатда кӀвенкӀвечи чкадиз ва жуван хайи уьлкведин чемпион тӀварциӀиз лайхлу хъана.

Болгарияда кӀиле феи чемпионатда Велимурада вичин къастунин кӀевивал, алакьунар къалуруналди агалкъун тикрарна. Ам къизилдин медальдин ва дуьньядин чемпион тӀварциӀин сагъиб хъана. Чна, Велимурадан яратмишунриз гъуьрметзавайбуру адаз къазанмишнавай агалкъун мубаракзава ва хъянавай четин, амма рикӀ алай спортдин хиле вичихь мадни еке гъалибвилер хъун чи мурад я.

**А. АЙДЕМИРОВА.**

## Россельхознадзор по РД: впервые в Дагестане выявлен вирус нодулярный дерматит

Управление Россельхознадзора по Республике Дагестан информирует о выявлении в сентябре 2015 года в Чеченской Республике и Республике Дагестан вирусной болезни – нодулярного дерматита среди поголовья крупного рогатого скота. Данное заболевание на территории Российской Федерации выявлено впервые.

По информации Международного эпизоотического бюро по состоянию на 03.11.2016 г. в Российской Федерации зарегистрировано 295 вспышек нодулярного дерматита КРС (170 очагов оздоровлено). Неблагополучие фиксировали в шестнадцати субъектах страны, в т.ч. Республике Дагестан (28 н.п.), Республике Калмыкия (57 н.п.), Краснодарском крае (5 н.п.), Астраханской области (10 н.п.), Чеченской Республике (90 н.п.), Ставропольском крае (30 н.п.), Волгоградской области (9 н.п.), Республике Ингушетия (35 н.п.), Ростовская область (5 н.п.), Карачаево-Черкесская Республика (10 н.п.), Республике Адыгея (1 н.п.), Воронежской области (1 н.п.), Кабардино-Балкарской Республике (1 н.п.), Тамбовской области (6 н.п.), Рязанской области (2 н.п.), Самарской области (5 н.п.).

Возбудитель инфекции: передается в основном трансмиссивно комарами, мухами, москитами. Наибольшее количество больных животных регистрируется там, где много кровососущих насекомых. Вирус могут переносить птицы, в частности, цапли. В окружающую среду вирус попадает с отторгаемыми кусочками пораженной кожи, вирусосодержащими молоком, спермой, слюной и кровью. Со спермой он продолжает выделяться 2 месяца после клинического выздоровления. В уплотненных кожных узлах его можно обнаружить в течение 4 месяцев с момента их образования.

Клинические признаки: Инкубационный период - 3-30 дней, чаще 7-10 дней. При острой фор-

ме, в начальной стадии болезни, после повышение температуры тела до 40 градусов у животного происходит снижение аппетита, появляется слезотечение, серозно - слизистые выделения из носа. Через 48 часов на коже, шеи, груди, животе, пахе, конечностях, голове, вымени образуются плотные круглые или несколько вытянутые узелки с плотной поверхностью диаметром 0,5- 7 см. высотой до 0,5 см. Число узелков колеблется от десяти до нескольких сотен. Через несколько часов после появления узелков начинается отделение эпидермиса и начинается некроз ткани. Молоко становится розоватым, густым, сдается болезненно по каплям, а при нагревании застывает в гель. Атипичная форма наблюдается у новорожденных телят и характеризуется диареей, лихорадкой при отсутствии поражений кожи.

Меры борьбы: Организуют и проводят мероприятия, препятствующие возникновению и распространению болезни. При появлении ее в ранее благополучных районах немедленно убивают всех заболевших и подозрительных по заболеванию животных, проводят тщательную дезинфекцию и дезинсекцию. Строго выполняют все правила ветеринарно-санитарных и карантинно-ограничительных мероприятий. В стационарно неблагополучных районах, больных и подозрительных по заболеванию животных изолируют, обеспечивают полноценными витаминизированными кормами. Лечение симптоматическое, однако, оно малоэффективно. Длительность иммунитета 1 год.

Ограничения при установлении карантина!

- Запрет ввоза и вывоза животных всех видов, их выпас.

- Охранно-карантинные посты устанавливаются на всех въездных и выездных дорогах населенных пунктов района.

- В рамках соблюдения каран-

тинного режима территория «окружается дезбарьерами».

- Режим карантина предусматривает запрет на транспортировку животных, как в границах населенных пунктов района, так и за его пределы.

- Запрещается вывоз из неблагополучного пункта и ввоз фуража (сена, солома, комбикорма и пр.)

- Запрещается использовать молоко и полученные из него продукты в необеззараженном виде. Снимать и использовать шкуры.

- Запрещается проезд всех видов транспорта (легкового, пассажирского, грузового и т.д.) по территории очага.

Для профилактики и недопущения данного заболевания все граждане, имеющие на своих подворьях сельскохозяйственных животных, должны оставаться предельно бдительными и выполнять следующие правила:

- не допускать ввоз животных неизвестного происхождения, без соответствующих документов;

- извещать органы государственного ветеринарного надзора о вновь приобретенных животных, полученном приплоде, об убое и продаже;

- предоставлять ветеринарным специалистам по их требованию животных для осуществления диагностических исследований и проведению вакцинации;

- извещать ветеринарных специалистов о случаях внезапного падежа или одновременного заболевания нескольких животных.

Будьте бдительны! Строго выполняйте все правила ветеринарно-санитарных и карантинно-ограничительных норм!

В случаях обнаружения клинических признаков нодулярного дерматита у крупного рогатого скота немедленно информировать Россельхознадзор по РД.

**А. АЗАЕВ. Г.Х.**

Начальник отдела Управления Россельхознадзора по РД.





# Дуьньядилай цлар илитна

## СССР АРАДАЛ ХКИЗ КІАНЗАВА

ОКтябрдин революциядин 99 йис тамам хьуниз талукъарнавай митингдал КПРФ-дин режьбер Геннадий Зюганова вичин партиядихъ СССР арадал хкидай къаст авайдан гьакъиндай малумарна. Идан гьакъиндай 7- ноябрдиз «Интерфаксди» хабар гана.

1991-йисуз чукураи чи къудратлу государство цийи



кылелай туькьур хьувун патал чна «Советрин власть арадал хкуналди, Чехи Октябрдин идеяри вилик тухуналди чалай алакьдай вири крар ийида», - лагъана Зюганова. КПРФ-дин килин гафаралди, партияди советрин тарихдай тир вири хъсан ківалахар гзафарда ва вилик тухуда.

«Октябрдин революциядин виш йис тамам жезвай йисаз чун квехъ галаз санал сих ва къуватлу команда яз гъахъзава, чахъ чи программа ава. Чахъ чехи союзный пачагьлугъ цийи кылелай ківачел ахкъалдардай ниятар ава», - лагъана коммунистрин режьберди.

КПРФ-ди ва са жерге чапла патан организацири испен юкъуз Чехи Октябрдин социалистический революциядин 99 йис тамам хьуниз талукъарнавай серенжемар кыле тухвана. Митингар Москвадин Пушкинан майдандал, Страстный бульварда ва Петровка куьчеда кыле фена. И серенжемра 1500-дав агакьна инсанри иштиракна, хабар гузва «Цийивилер» РИА-ди.

1991- йисан 26-декабрдиз СССР-дин Верховный Советдин

республикайрин Советди Советрин Союз кардик хьун акъвазарнавайдан гьакъиндай декларация къабулна . СССР чклайла, виликан 15 союзный республикади государстводин аслу туширвал къачуна. Белоруссиядин президент Алексей Лукашенкоди СССР чукунизи мусибатдин кардиз хьиз къимет гана. Россиядин Президент Владимир Путинани и вакъиа ХХ асирда геополитикадин лап зурба мусибат я лагъанай.

## ТРАМП ГЪАЛИБ ХЪАНА

США-дин цийи президент республиканви Дональд Трампакай жеда. Сечкийрин вахтунда адаз 276 сечкичйри сесер гана. Лазимзавайди агъа клан 270 сес тир. Идан гьакъиндай Bloombergди хабар гузва.

Вич президентвилеиз хягъунихъ галаз алакьалу яз рахай вахтунда Трампа американвийрииз вич вири уьлкведин граждандар патал президент жедайди хиве къуна, хабар гузва Рейтер агентстводи.

Адан гафаралди, Америка виридалайни хъсан крарилай гъейри, маса са куьналдини рази жедач.

Гъа са вахтунда цийиз хянавай президентди дуьньяда амадагрихъ галаз дуьзгьун алакьаяр хуьдай режьбер жагъурун хиве къуна. 2017-йисан 6- январдиз Конгрессди сечкийрин нетижаяр тестикъарда. Хянавай президентдин инаугурация 20- январдиз кыле тухудайди тайинарнава.

## СААКАШВИЛИ ОТСТАВКАДИЗ ФЕНА

ОДЕССКИЙ областдин губернатор Михаил Саакашвилиди вичин къуллугъдилаи отставкади финин гьакъиндай малумарна. Идан гьакъиндай ада 7- ноябрдиз брифинг кыле физвай вахтунда лагъана, хабар гузва «112 Украина» телеканалди. «За отставкади фин ва женг члугунин цийи девир башламишун къетнава. Зун гьилер ава-



дарна ацукьдач. Зун физ жезмай къван вахтунда фидай аскер я», - лагъана Гуржистандин виликан президентди.

Адан гафаралди, вири Украинада коррупционерри агъавал авун давам жезвайла, аскерин иви, Майдандин къурбандар кваз такъазвайла, Украинадин революциядин мурадара маса гайила, са регионда гьалар туькьур хьувун гзаф четин я». Саакашвилиди Украинадин властар са шумуд сеферда критика авунай. 13- сентябрдиз ада «Петр Порошенкодин блок» партиядин десте тахсиркарринди я лагъанай.

2015- йисан декабрдиз Украинада реформаяр тухунин режъай Милли советдин заседанидал Саакашвилидинни къенепатан крарин министр Арсен Авакован арада ачух чуьруьк арадал атанай. МВД-дин кыли губернатордив Одессадин портунин патав квай завод приватизация авунизи талукъ суал вуганай. Жаваб яз Гуржистандин виликан президентди вичиз са шейни гъализ кланзавач ва «вун (Аваков-Лента. Ру-дин) къейди» къачагъ я» ва министррин кабинет коррупциядин кыле ава лагъанай. Чуьруькдин вахтунда Авакова Саакашвилидин терефдихъ яд авай стакан гадарнай. Украинадин президентди чуьруьк лап лайихсузди я лагъанай.

Саакашвили 2015- йисан 30-майди Одесский областдин кыл яз тайинарнай. Гъа члавалди ада президент Петр Порошенкодин указдал асаслу яз Украинадин гражданство къачунавай. 2004-2013- йисара Саакашвили Гуржистандин президентдин къуллугъдал хъанай. Ахпа ам преподавателдин ківалахдал машгьул хъанай ва ватанда саки яшамиш хъанач. Ина адаз акси яз къуд уголовный дело къарагъарнава. Абурукай сада адак государстводин такъатар вичин хийирдиз харж авунай тахсир кутазва.

## ПРОКУРАТУРА

Прокуратурой Магарамкентского района проведена проверка исполнения должностными лицами СП «сельсовет Магарамкентский» Магарамкентского района действующего законодательства при предоставлении земельных участков гражданам и юридическим лицам.

Выявлены нарушения порядка и сроков рассмотрения заявлений, уведомления о результатах рассмотрения обращений, несоблюдения порядка предва-

рительного согласования предоставления земельного участка для индивидуального жилищного строительства, ведения личного подсобного хозяйства в границах населенного пункта.


По результатам проверки в отношении руководителя сектора ЖКХ СП «сельсовет Магарамкентский» возбуждено производство об административном правонарушении, предусмотренном ч. 1 ст. 19.9. КоАП РФ (нарушение должностным лицом установленных

законодательством сроков рассмотрения заявлений граждан или юридических лиц о предоставлении находящихся в муниципальной собственности земельных участков), которое для рассмотрения направлено мировому судье.

Рассмотрение акта прокурорского реагирования находится на контроле.

**М.Г. Казиахмедов,**  
прокурор района,  
старший советник юстиции

## КРОССВОРД



## дуъз цIарара:

1. Мухан гъуъруйкай гъазурна хъвадай затI.
2. Танур (адаз гъихътин нугъат ава?).
3. Инсандик акатдай напак азар.
4. Дагъдин агъали.
5. Гъалал тушир затI.
6. Гъеле барцIак хун тавунвай гамиш.
7. Техил кватIнавай никIера адан лукIушар амукъда.
8. Квалахзавай чка.
9. Тек са. Мад гъикI лугъуда?
10. Незхъваз гъатнавай кас.
11. Малдин кIвачерикай гъазурдай хуърек.
12. Емишрикай хкудда.
13. Ширедилай вилик рак-пенжердиз яда.
14. Имидин хва.
15. Туъмер авун (балкандиз).
16. Уълчуй.
17. Свас гъизвай машинрал кутIунда.
18. Харат устIардиз герек къведа.
19. КIеви кларасдин са жинс.
20. Вилер ицитIун.

## тик цIарара:

1. Сthайрин папар.
2. Мусурманри и дувъндиз гъикI лугъуда.
3. Чуълдин къуш. Адал гъуърч ийида.
4. Садни.
5. БарбатIун.
6. ХъуътIуън суърсет патал гъазурдай ризкъи.
7. Малар, верчер тергдай азар.
8. Хъсандиз алукулун.
9. Мягкем, чIагай.
10. Ли, хъщикъ.
11. Печать.
12. С. Стальский района авай чувудрин хуър.
13. КIуъгъуъ.
14. Къехчин къаб.
15. ЧIарариз вахт хъайила ядай тIебии ранг.
16. Чи беденда къекъевезва.
17. Эвленишунин мярекат.
18. Конвертдал кхъида.
19. Машгъур авун.

Ярагъкъазмайрин юкъван школа акъалтIарайдан гъакъиндай 2010- йисуз Абусаидов Гъусейн Загъидовичаз гайи № 05 АБ 0006355 нумрадин аттестат, ЕГЭ № 05 - 000001740-10 - нумрадин свидетельство квахъуниз килигна **къуватда амачирди яз гъисабин.**

**Къилин редактор**  
**А. А. ИСМАИЛОВ.**

## Редакциядин адрес:

368780. РД, Магъарамдхуъруън район, Магъарамдхуър, Ленинан куъче.

Газет гъафтеда садра акъатзава.

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

**Учредители:** Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
**Адрес:** 368780. РД, Магъарамдхуъруън район, Магъарамдхуър, Гагаринан куъче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.**  
**Чапун патал къул чIугуна- 15.00.**

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуъруън район, Магъарамдхуър, Ленинан куъче. Лезги чIал.  
**Индекс 63340. Тираж 1570.**  
**Заказ № 47.**

6+